

1930 йил  
12 майдан  
чиқа  
бошлаган



# ШОСЕНДЖА

ЎЗБЕКИСТОН RESPUBLIKASI ИИВ НАШРИ

№ 3 (3323)

2000 йил 21 январь, жума

Сотувда эркин нархда

Бош муҳаррир минбари

## ДЕМОКРАТИЯ ТАНТАНАСИ

Бугун гўзал пойтахтимизга мамлакатимизнинг барча минтақаларидан биз 5 декабрь куни Ўзбекистоннинг қонун чиқарувчи олий органига сайлаган иккинчи чақириқ Олий Мажлис депутатлари йиғилиши.

Ҳозирги эрталабки соатларда, сиз азиз муштарийлар газетамизни варақлай бошлаганингизда Ўзбекистон парламентининг ҳашаматли биносида Марказий сайлов комиссияси қарорига биноан халқ вакиллари рўйхатдан ўтказиш бошланди. Кейин сиёсий партиялар фракциялари ва депутатлар блокларининг йиғилиши бўлади. Эртага 22 январь куни эрталаб соат 10да иккинчи чақириқ Олий Мажлиснинг биринчи сессияси очилади.

Халқ томонидан демократик йўл билан сайланган парламент депутати шу лаҳзадан бошлаб ўз зиммасига катта масъулиятни олади, Президент Ислоҳ Каримов иккинчи чақириқ халқ депутатлари Фарғона вилоят биринчи сессиясида таъкидлаганидек: "Халқнинг, сайловчиларнинг ишончини оқлаш, улардан, авваламбор, ҳақиқий юртпарварликни, ҳалол, фидойи бўлишни; ҳузур-ҳаловатдан воз кечишни, одамларнинг оғирини енгил қилиш, аҳволдан хабардор бўлиш, тақдирига қуюнчақлик билан ёндошиш, лўнда қилиб айтганда, том маънода халқ дарди билан яшашни талаб этади".

Ўтган йилнинг охирида бўлиб ўтган сайлов кампанияси даврида биз ўз сафимиздан бизнинг манфаатларимизни ҳимоя қиладиган, юксак ташкилотчи, ишбилармон, одамларнинг кайфиятини, уларнинг умид ва орзуларини биладиган кишилар номзодини кўрсатдик. Айнан ана шундай кишиларни биз парламентга ва халқ депутатлари маҳаллий Кенгашларга сайладик.

Энди биз улардан бундан кейинги турмуш тарзимизни янада яхшиланишга йўналтирилган аниқ ва сермаҳсул ишларни кутамиз. Бу ишларнинг қўлами ғоятда катта. Мамлакатимизда янги минг йилликнинг бўсағасида ва бошланишида амалга оширилиши мўлжалланган жамиятни янгиланишнинг аниқ йўналишлари белгиланган ривожланиш стратегияси ишлаб чиқилган. Бу йўналишларда мамлакатнинг сиёсий ва иқтисодий ҳаётида, давлат ва жамият қурилиши жараёнларини янада эркинлаштириш асосий ўринни эгаллайди.

Давлатимиз раҳбари таъкидлаганидек, давлат қурилишида бошқариш ишларини ва маълум даражада ваколатларни аста-секин марказдан пастки бўғинларга бериб, шу ҳисобдан уларнинг фаолиги оширилади, шу жумладан, халқ депутатлари маҳаллий Кенгашлари ва ҳокимликлар, фуқароларнинг ўз-ўзини бошқариш органлари, аввало маҳалла тузилмалари, шунингдек, жамоат тузилмалари ваколатлари босқичма-босқич ошириб борилади.

Бу йўл асл моҳияти билан мустақил Ўзбекистонда демократик ислохотларнинг тантанасидан далолат беради. Мамлакатимиз инсон ҳуқуқлари ва давлат суверенитети негизлари тарафдори эканлигини, унинг демократия ва ижтимоий адолат ғояларига содиқлигини, умумманзур халқаро ҳуқуқ нормаларини эътироф этишини, республика фуқароларини фаровон ҳаёт билан таъминлаш, инсонпарвар демократик ҳуқуқий давлат қуриш сари интилаётганини яна бир бор исботлайди.

Ҳа, биз мамлакат Конституциясига асосланган ҳуқуқий давлат қураимиз. Унинг пойдевори Ўзбекистон парламентининг муҳташам биносиде яратилади. Айнан шу ерда иккинчи чақириқ Олий Мажлис депутатлари ўз сессияларида Ўзбекистон Республикасининг ички ва ташқи сиёсий йўналишларини белгилайдилар ва давлатнинг стратегик дастурларини қабул қиладилар, Ватанимизнинг кўпмиллатли халқлари манфаатларини таъмин этишга йўналтирилган қонунларни чиқариш билан шуғулланадилар.

Бугунги кунгача депутатлар корпусларида бешта сиёсий партиялар фракциялари ва иккита депутатлар блоклари ташкил топганини биламиз. Улар ўзларининг ташкилий йиғилишларида парламентдаги ўз фаолиятлари масалаларини муҳокама қилиб бўлдилар, раҳбарларини сайладилар. Иккинчи чақириқ биринчи сессиянинг биринчи мажлисини ўтказиш билан боғлиқ вазифаларни кўриб чиқдилар.

Мамлакатимиз сиёсий ҳаётида муҳим воқеа бўлган иккинчи чақириқ Олий Мажлис биринчи сессиясининг биринчи мажлисини тайёрлаш ва ўтказишда таркибиде депутатлар фракциялари ва блокларининг раҳбарлари бўлган ишчи гуруҳи фаол ҳаракат қилиб, катта ишларни амалга оширди.

Парламентнинг иккинчи чақириқ депутатлари ишларига муваффақиятлар тилаб, қонунчилик фаолиятини такомиллаштиришга амалий ёрдам берадилар, қонунларни тайёрлаш жараёнида аҳолининг кенг қатлами мулоҳазаларини ҳисобга оладилар дея умид қиламиз.

Олий Мажлис депутатлари, ишингизда муваффақият ёр бўлсин!

## ВАТАН ХИМОЯЧИЛАРИ КУНИ ТАДБИРЛАРИ



Сурат муаллифи А. ГРИГОРЯН.

Мамлакатимизда Ватан ҳимоячилари куни кенг нишонланди. Мудофаа вазирлиги бўлинмаларида, Ўзбекистоннинг ҳуқуқни муҳофаза қилиш идораларида ушбу санага бағишланган тантанали йиғилишлар, фахрийлар билан учрашувлар бўлиб ўтди. Хизматдошлар хизмат бурчини бажариш чоғида ҳалок бўлган касбдошларининг оилаларидан хабар олишти, уларга ҳар томонлама ёрдам кўрсатилди.

Асосий маросимлар пойтахтимиз марказидаги Хотира майдонида бўлиб ўтди. Эрта тонгда бу ерда тегишли вазирликларнинг раҳбарлари, фахрийлар ҳозир бўлиши ва Мотамсаро Она ёдгорлиги пойига гуллар қўйишти. Фахрий қоровул бўлинмалари ёдгорлик олдида марҳумлар хотираси учун ҳарбийча ҳурмат бажо келтириб саф тартиб шаҳдам қадамлар билан ўтишти.

## ЖУРНАЛАРИМИЗНИНГ НАВБАТДАГИ СОҢЛАРИ



БОСМАДАН ЧИҚДИ

## Ўзбекистон Республикаси ИИВ олий ўқув юртларида ўқишни истаганлар диққатига!

Газетамизнинг кейинги сониде чоп этиладиган мақоладан ИИВ олий ўқув юртлари ҳақида керакли маълумотлар олишингиз мумкин.





Тадбир

Қарор ва ижро

МАҚСАД - ОСОЙИШТАЛИКНИ ТАЪМИНЛАШ

ҒАЛЛАНИ ПАЙҲОНЛАШ - ЖИНОЯТ



Мана, янги 2000 йил кириб келди. Бу йил ҳам ички ишлар идоралари ходимлари зиммасига катта масъулиятлар юкламоқда. Ана шундай долзарб вазифалардан бири халқимизнинг тинч, фаровон ҳаёт кечирishiни таъминлаш, уларнинг эмин-эркин меҳнат қилишларига шароит яратиш беришдан иборатдир. Бу вазифаларни бажаришда замонавий техника воситаларининг ҳам ўзига хос ўрни бор.

Яқинда Хоразм вилояти ИИБда тезкор тадбир ўтказилди. Бунда вилоят ИИБ

да мавжуд транспорт воситаларининг техник ҳамда жанговар шайлиги, жанговар гуруҳ ходимларининг жисмоний тайёргарлиги ва касбий маҳорати синондан ўтказилди.

— Биз учинчи минг йилликка қадам қўяянимиз, — дейди вилоят ИИБ бошлиғи, милиция полковниги Т. Худайбергенов. — Бугунги кунда эскича яшаш, меҳнат қилиш сира мумкин эмас. Ҳар томонлама тайёргарлигимизни ошириш мақсадида ушбу тезкор тадбирни

ларга эга бўлдик. Ўзимизда мавжуд бўлган транспорт воситаларини эса қайта таъмирдан чиқардик. Ходимлар қанчалик кучли, бақувват, продали, техникалар жанговар хизматга шай бўлса, ҳар қандай ёвуз куч ҳам ўз ниятини амалга оширишга ботинолмайдди.

Вилоят ички ишлар бошқармасида фавқулодда ҳолатларда штаб вазифасини ўтайдиган кўчма бошқарув тармоғи ташкил этилди. Тезкор тадбирда намойиш этилган бу бошқарув тармоғи замонавий алоқа воситалари — телефон, факс, рация ҳамда компьютер билан таъминланган. Махсус жиҳозланган бу машина ёрдамида дупленнинг исталган бурчаги билан боғланиш, ахборот узатиш ва қабул қилиш имкони мавжуд.

Тадбирда вилоят ИИБ бошлиғининг ўринбосарлари, бўлим бошлиқлари, туман ва шаҳар ИИБлари бошлиқлари иштирок этишди.

**Х. ЖАББОРОВ.**

**Суратларда: Хоразм вилояти ИИБда ўтказилган кенгайтирилган тезкор тадбирдан лавҳалар.**

**Жумабой ҚОЗОҚ олган суратлар.**



ўтказишга қарор қилдик. Шунинг алоҳида қайд этишим лозимки, кейинги пайтларда республика ИИБ раҳбариятининг ёрдами билан замон талабларига жавоб берадиган бир қанча автомашина-



Суд залида тумонат одам йиғилган, товламачилик жинояти юзасидан суд жараёни давом этарди. Гувҳоҳлар ҳам, жабрланувчи ҳам бир қариндош-уруғнинг фарзандлари. Қора курсида айбига иқроор бўлиб, бош эгиб ўтирган мўйсафид отахон эса қилган қилмишидан минг бора пушаймон.

Козим отанинг (исмлари ўзгартirilган) ёши бир жойга бориб қолганлиги учун ҳам ҳамма бирдек ҳурмат қиларди. Кейинги пайтларда у қаринлик инжиқликларидамини, қилдан қийиқ қидирадиган одат чиқарди. Жияни Абдурасул билан ҳам арзанаган баҳона билан ораларидан гап қочди.

Қишлоқда ҳамма дала юмушлари билан банд бўлади, ситир-бузоқлари учун ем-хашак тўйлайди. Абдурасул ҳам ариқ бўйида ўсиб ётган ўтларни ўраётган эди. Тўсатдан пайдо бўлган амакиси "Нега ўтларни ўраясан?" — деб роса тўполон қилди. Жияни амакисининг ёшини ҳурмат қилиб, уэр сўраб уйига қайтди. Бир кун Козим ота ситирларидан хабар олиш учун молхонасига кирди. Қараса қоғиқда бойлоғиқ турган бир бош қорамоли йўқ. Унинг фиғони фалакка чиқди. "Ким олиб кетиши мумкин? Бу ўша ярамак баччагар жиянининг иши, ундан бошқа ҳеч ким ситирни ўғирламаган", — деган хулосага

кеди. Шундай ўйлар билан Козим ота тонг саҳарда Абдурасулнинг уйига йўл олди. Амакисининг хўроз қичқирмай туриб йўқлаб келганлигини кўриб, жияни тинчликми, дея пешвоз чиқди.

— Сигиримни ўғирлаб, сотиб пулини яшириб қўйган

ТОВЛАМАЧИ ОТАХОН

сан. Яхшилик билан эллик минг сўм пулини уйимга олиб бориб бер, йўқса устиндан ара қилиб қаматиб юбораман. Эшигинингми? — дея дўқ-пўнса қақди амакиси.

Ҳеч нарсадан хабари йўқ Абдурасул эса амакисига ситирини ўғирламаганлигини ҳарчанд тушунтирмоқчи бўлмасин, қариндош-уруғчилик ҳурмати менга тўхмат қилманг, деб уни инсофга чақирмоқчи бўлмасин, Козим ота ўз сўзида туриб олди.

Козим ота жиянидан талаб қилган пулини ололмагач, ситиримни ўғирлаб кетиб, қайтариб бермагани деб унинг устиндан ички ишлар бўлимига ара қилди. Ариза бўйича жиноий иш қўзғатилиб, суриштирув ишлари бошланди. Тергов жараёнида Абдурасул-

нинг ҳаракатларида жиноят аломатлари топилмаганлиги боис тергов ҳаракатлари тўхтатилди. Бироқ отахон ҳамон қўрқитиб, ара қилишда давом этарди. Энди Абдурасулнинг акаси Абдувоҳидга: "Уканг ситиримни ўғирлаб, пулини тўламади, агар

100.000 сўм пул топиб беришини билдирди. — Ҳа, майли, қолган 100.000 сўмини кейинроқ топиб берарсан. Эртага тушгача пулни олиб келишни унутма, — деди амакиси.

Абдувоҳид инсофсиз қариндошининг бу қилмишидан қаттиқ ранжиди, нима қиларини билмай, ички ишлар бўлимига келиб амакисига тўхмат қилиб, қўрқитиб эвазига пул талаб қилаётганлигини айтди. Белгиланган кунни Козим ота 100.000 сўм пулни товламачилик йўли билан жиянидан олаётган пайтда туман ички ишлар бўлими ва вилоят ИИБ ҚР ва ТҚҚБ ходимлари томонидан қўлга олинди.

Ўз жиянларини қўрқитиб, устиндан ара қилиш эвазига бойлик орттирмоқчи бўлган отахон суд ҳукми билан ўз қилмишига яраша жаза олди. Ахир, қариндош-уруғлар орасидаги меҳр-оқибат, бир-бирларига ҳурмат-иззат кўн жиҳатдан ёши улур кишиларга боғлиқ. Катталар томонидан содир этилаётган ана шундай жиноятлар эса жамиятимизга, миллатимизга ёт иллатлардан биридир. Шунинг учун ҳам, барча инсофлар, қариндош-уруғлар орасида энг аввало меҳр-оқибат кўтарилмаглигини талаб қоламиз.

**М. СУЛТОНОВА,** Тошкент вилояти ИИБ инспектори.

Ўзбекистон Республикаси Вазирлар Маҳкамасининг "Экинларнинг пайҳон қилинишига қарши кураш самарадорлигини ошириш тўғрисида"ги Қарори ички ишлар идоралирида ўрганиб чиқилиб, уни бажариш юзасидан аниқ тадбирлар белгиланмоқда. Таҳририятимизга бу муҳим Қарорни бажариш борасида амалга оширилаётган ишлар юзасидан хабарлар келмоқда.

Гулистон. Мирзаобод тумани ИИБ раҳбарияти "Пайҳон" тадбирини ўтказмоқда. Тумандаги хўжаликларнинг ғалла экилган майдонларини кўриқлаш ва назорат қилиш учун ходимлар бириктириб қўйилди. Ходимларга хўжаликлар от ажратиб берган. Милиционерлар далаларни назорат қилиш билан бирга аҳоли ўртасида тушунтириш ишларини олиб бормоқдалар.

Туман ҳокимлиги хўжаликларда экинларни пайҳон қилинишининг олдини олиш ва қондабузарларга қарши чора-тадбирлар кўриш учун комиссиялар тузган. Ҳозиргача ички ишлар идоралари ходимлари томонидан пайҳон қилаётганда тугилган етти фуқаронинг 3 та қорамоли ва 3 та қўйи комиссия қарорига биноан сўйилиб, гўштлари болалар боғчаларига топширилди.

**Д. МУРОДОВ,** милиция старшинаси.

Жиззах. Дўстлик тумани ички ишлар бўлими ходимлари ғаллазорларни пайҳон қилинишидан сақлаш учун деҳқонларга яқиндан ёрдам бермоқдалар. Ғалла экилган майдонлар доимий назоратга олинган. Милиция ходимлари далаларни отда айланиб, пайҳон қилинаётган фактларни аниқлаб зарур чоралар кўришяпти.

Тумандаги "Дўстлик" ширкатлар хўжалигида яшовчи О. Маҳкамов ва Қ. Раҳимов номли ширкатлар хўжалигида яшовчи С. Дўсановнинг 6 бош қорамоллари ғаллазорни пайҳон қилиб юрганда ушланди. Қорамоллар хўжаликларга катта миқдорда зарар келтиргани аниқланди, О Маҳкамовнинг бир бош, С. Дўсановнинг бир бош новвоси даланинг ўзида сўйилди ва гўшти болалар боғчалари, меҳрибонлик уйлари тарқатилди.

Вилоятнинг бошқа туманларида ҳам ризқ-рўзимизнинг пайҳон қилинишининг олдини олиш борасида зарур чора-тадбирлар кўриляпти.

**Б. БЕГИМҚУЛОВ,** милиция лейтенанти.

Юртимизда 2000 йил — Соғлом авлод йили бошланди. Фарзандларимиз мустақил юртимизнинг ғайратли, мард, мунаққил ва албатта соғлом фарзандлари бўлиб вояга етишишларини талаб янги йилга қадам қўйдик.

Тошкент метрополитенини муҳофаза қилиш бўйича ички ишлар бўлими ходимлари ҳам фуқароларимизни соғлом, тинч, омон, ўз манзилларига бешикаст етиб олишлари учун хизмат қилишяптилар. Ходимларимиз метрополитен мулкларини, анжомларини ва ички, ташқи жиҳозларини кўз қорачи-

НАМУНАЛИ ХИЗМАТ КЎРСАТИШ ЙЎЛИДА

қуриқлашади. Жамоат тартибини сақлаш, фуқароларнинг хавфсизлигини таъминлаш ва жиноятнинг олдини олиш, жиноят содир этилганда уни ўз вақтида очиш чораларини кўриш, масъул вазифалардан биридир.

Метро бекатларида дайди, тиламчи, маст ва майда савдо-сотиклар қилаётган фуқаролар аниқланиб, чоралар кўриляпти. Экстремистик оқимлар, тескари ташвиқотлар юритувчи қоғозларни тарқатиб юривчи шахсларнинг 13 таси ушланди.

Ҳуқуқбузарларга қарши курашишда сидқидилдан ҳалол меҳнат қилиб келаётган ходимларимиз кўпчилигини ташкил этади. Милиция катта сержанти А. Аманов, милиция сержанти С. Чекеев ва милиция сержанти З. Холдаровлар ўтган йил давомида жамоат тартибини сақлашда, электропоездларнинг ва йўловчиларнинг хавфсизлигини таъминлашда ўз хизмат бурчига сидқидилдан виждонан ёндошиб, олдиға қўйилган вазифаларни яхши бажарганликлари учун ИИБ раҳбарияти томонидан бир неча бор рағбатлантирилди.

Мақсадимиз метро бекатларида турли ҳуқуқбузарликларга чек қўйиш. Бу борада ходимларимиз томонидан тез-тез тадбирлар ўтказиб турилибди. Шундай тадбирларнинг бирида метронинг "Пахтакор" бекатида хизмат ўтаётган милиция сержанти Ғофуржон Абдуантов томонидан фуқаро Дмитрий Безгодов ўта маст ҳолда ушланган. Уни шахсини аниқлаш пайтида у жиноят содир қилганлиги учун Ҳамза туман ИИБ томонидан қидирувдалиги аниқланди ва қонуний чора кўриш учун Ҳамза туман ИИБга юборилди. Бундан ташқари ходимларимиз Тошкент шаҳар миқёсидаги ўтказилаётган жамоат-спорт, концерт ва барча бошқа тадбирларда фаол қатнашиб келмоқдалар.

**Исмоилжон БУВАЖОНОВ,** Тошкент метрополитенини муҳофаза қилиш бўйича ИИБ бошлиғининг ўринбосари, милиция подполковниги.



Юртимизда Ўзбекистон Республикаси Вазирлар Маҳкамасининг фармойишига асосан 1999 йил 15 декабрдан 2000 йил 15 январгача Ёнгин хавфсизлиги ойлиги ўтказилди. Шаҳарлар, туманлар, аҳоли пунктлари ва халқ хўжалиги масканларининг ёнгин хавфсизлигини кучайтириш бош мақсад қилиб олинган бу тадбирларда жойларда амалга оширилган ишлар, эришилган ютуқ ва йўл қўйилган камчиликлар хусусида ИИБ Ёнгиндан сақлаш бошқармаси бошлиғи, ички хизмат полковниги Юсуф ака ҚОСИМОВ билан суҳбатлашдик.

нафар жавобгар ва раҳбар шахслар маъмурий жавобгарликка тортилдилар. Ёнгин чиқиш хавфи остида фаолият кўрсатаётган 6.635 та маскан, бино ва иншоотларнинг иш фаолияти камчиликлари тўлиқ бартараф этилгунга қадар вақтинча тўхтатилди, 28.977 та носоз печ ва электр иситиш мосламаларидан фойдаланиш умуман тақиқланди.

Фуқароларга ёнгин хавф-



# ОЙЛИК ТУГАДИ, ТАДБИРЛАР ДАВОМ ЭТАДИ

— Юсуф Ўтамович, аввало, сизни Ўзбекистон Республикаси Фахрий ёрлиғи билан мукофотланганлигингиз билан самимий табриклаймиз.

— Раҳмат.

— Ёнгин хавфсизлиги ойлиги тадбирларида сиз бошчилик қилаётган ёнгиндан сақлаш хизмати тизимлари томонидан амалга оширилган ишлар хусусида тўхталиб ўтсангиз?

— Аввало, бундай тадбирларни ҳар йили ўтказиб турилишини айтиб ўтиш жоиз. Саноат корхоналари, ташкилотлар, айниқса, аҳоли яшаш жойларида содир бўлаётган кўп талафотлар келтириб, катта-катта моддий зарарлар етказётган ва, энг ачинарлиси, фуқароларнинг бевақ оламдан кўз юмишига сабабчи бўлаётган офат — ёнгининг олдини олиш ва унинг содир бўлмаслиги учун кураш асосий мақсад қилиб олинган тадбирларнинг бу галгиси ҳам ушшоқлик билан ўтказилди.

ИИБ Ёнгиндан сақлаш бошқармаси томонидан “Ўзгенгилсаноат” уюшмаси, Халқ таълими, Олий ва ўрта махсус таълим, Қишлоқ ва

сув хўжалиги, Энергетика ва электрофикация, Соғлиқни сақлаш, Коммунал хизмат кўрсатиш вазирликлари, “Ўзавтотранс”, “Ўздонмаҳсулот” Давлат акционерлик корпорацияси, “Ўзпахтасаноатсотиш” уюшмаларида ёнгин хавфсизлиги ойлигининг ташкиллаштирилиши текширилиб, ушбу вазирлик ва маҳкамаларда ишчи-хизматчилар томонидан ёнгин хавфсизлигини тўлиқ таъминлаш, ўт ўчириш воқеалари, сув манбаларини ишга яроқли қолга келтириш масалалари кўриб чиқилди.

Ойлик тадбирлар давомида ёнгиндан сақлаш хизматлари томонидан 32021 та корхона, хўжалик ва масканларнинг, 879.608 та уй ва хонадонларнинг ёнгинга қарши ҳолати текшириб чиқилиб, аниқланган камчиликлар бўйича ташкилот раҳбарлари ва хонадон эгаларига ёзма кўрсатмалар берилди. Шу билан бирга ёнгин хавфсизлиги қоидаларига амал этмаётган ёки уларни қўпол равишда бузаётган 12.140



сизлиги қоидаларини тушунтириб бориш мақсадида маҳаллаларда, ўқув юртларида, маданият муассасаларида, истироҳат боғларида учрашувлар ташкил этилди.

— Ўтказилган тадбирлардан кўнглингиз тўлди-ми, ҳамма жойларда ҳам ойлик талаб даражасида ўтди дея оласизми?

— Ёнгин хавфсизлиги ойлиги тадбирлари Наманган, Фарғона вилоятлари ва Тошкент шаҳрида, “Ўзпахтасано-

атсотиш” уюшмаси, “Ўзтаъмирмахсускурилиш” уюшмаси,

“Кизилқумнодирметаллолтин” концернига қарашли Навоий тоғ металлургия комбинати, “Ўзнефт-ниқайтаишлар” Давлат ишлаб чиқариш бирлашмаси, Фарғона нефтни қайта ишлаш, Самарқанд “ЎзБАТ” корхоналарида яхши амалга оширилаётганлигининг гувоҳи бўлинди.

Лекин, шу билан бир қаторда “Ўзгенгилсаноат” уюшмаси, Халқ таълими, Олий ва ўрта махсус таълим, Энергетика

ва электрофикация вазирликлари, “Ўзавтотранс” ДАКлари томонидан ойликни ўтказишга етарли даражада эътибор берилмаганлиги, бу нуфузли идораларда ёнгин хавфсизлиги масалаларини ҳайъат мажлисларида, кенгашларида кўриб чиқилмаганлиги, ёнгинга қарши қаратилган тадбирларни бажариш учун кўшимча маблағ ажратилмаганлиги, ёнгинлар ва уларни олдини олиш бўйича раҳбар ходимларни

интизомий жавобгарликка тортиш масалалари ҳанузгача кўрилмаганлиги маълум бўлди. Бундан ташқари айрим вазирлик ва маҳкамаларда ёнгин хавфсизлигини таъминлаш бўйича иш юритиш борасида ҳалигача бирорта штат ажратилмаган.

— Ёнгин хавфсизлиги ойлиги давомида ўз вазифасига совуққонлик билан муносабатда бўлган раҳбарлар ва ёнгин хавфсизлиги қоидаларини мунтазам бузиб келаётган фуқароларга қандай чоралар кўрилди?

Ёнгин хавфсизлиги қоидалари талабларини қўпол равишда бузганликлари, Давлат ёнгин назорати томонидан берилган ёзма кўрсатмаларни сурункали равишда бажармасдан ёнгин хавфсизлиги ойлигини ўтказишга бефарқлик билан қараб келганлиги учун Самарқанд туманидаги 33-ўрта мактаб директори О. Турсунов, Термиз бош дон қабул қилиш маскани муддир С. Саидахмедов, Бўз туманидаги 118-механизациялашган кўчма колонна бошлиғи Ш. Охунов, Шаҳрихон туманидаги 37-автокорхона директори Х. Маҳмудов, Пахтаобод тумани “Холис” савдо саноат бирлашмаси бошлиғи К. Мирзаевлар — жами 22 та раҳбарлик курсиларида ўтирган ходимлар эгаллаб турган лавозимларидан четлатилдилар. Шунинг-

дек, 242 та раҳбар ходимларга нисбатан интизомий чоралар кўрилди.

Кўрилган чоралар ва ўтказилган тадбирлар натижасида ёнгинлар сони ойлик бошдан бери 60 фоизга, инсонлар ҳалок бўлиши ҳоллари 64,4 фоизга ва уларда тан жароҳати олиш ҳоллари 82,8 фоизга, ёнгинлар оқибаотида кўрилган моддий зарар миқдори эса бир неча миллион сўмга камайди.

Аммо, айрим вилоят, шаҳар, туман ҳокимликлари, бошқа бошқарув идоралари томонидан корхона ва хўжалик раҳбарларига нисбатан чора кўрилмаётганлиги, ташкилотларда етарли маблағ ажратилмаслиги ёнгин хавфсизлигини таъминловчи тадбирларни ўз вақтида бажарилмаслигига олиб келмоқда.

Жумладан, Хоразм вилоятида Давлат ёнгин назорати хизматлари томонидан ўтказилган текширувлар жараёнида аниқланган ва бажаришга топширилган тадбирларнинг 85 фоизи, Тошкент вилоятида 58,7 фоизи, Сирдарё вилоятида 54,7 фоизи, Навоий вилоятида 52,6 фоизи, Фарғона вилоятида 45,6 фоизи, Жиззах вилоятида 45,4 фоизи ҳамон бажарилмасдан келинмоқда. Айниқса, ҳаётий зарур бўлган корхоналар ва соғлиқни сақлаш масканлари, мактаб ва ўқув юртларида ёнгин хавфсизлигини тўлиқ таъминлаш натижасида ёнгинлар содир бўлишини ва бу ўз навбатида оғир оқибатларга олиб келиши мумкинлигини шу жойлардаги раҳбарлар унутмасликлари керак.

Ёнгин хавфсизлиги ойлиги тугади, аммо энди бемалол, хотиржам юриш мумкин дегани эмас. Модомки, тилсиз ёв олов бор экан доимо хушёр бўлиш, биринчи галда ёнгин хавфсизлиги қоидаларига амал қилиш керак. Халқимиз Яратган ўзини асраганини доимо асрайди, деб бежиз айтмайди.

— Мазмунли суҳбатингиз учун раҳмат.

С. ШАМСИДИНОВ  
суҳбатлашди.

Тошкент вилоятида ҳам Ёнгин хавфсизлиги ойлиги ушшоқлик билан ўтказилди. Бу муҳим ишга барча ёнгиндан сақлаш хизмати ходимлари, ўч ўчириш қисмлари шахсий таркиби, кўнгилли ўт ўчириш жамияти, ви-

ди. Аҳоли турар жойларида ёнгин хавфсизлигини таъминлашга катта эътибор берилиб, маҳаллаларда, билим юртлари, мактаблар ва бошқа одамлар кўп йиғиладиган жойларда учрашувлар ташкил қилиниб суҳбат ўтказилиб, йўл-йўриқлар берилди. Бошқарманинг тарғибот автобуси кўргазмалар қуроллар билан жиҳозланиб, кенг халқ оммасини ана шу кўргазмалар

содир бўлган ёнгинлар сони ўтган йилнинг шу даврига нисбатан — 11,9 фоизга камайди. Корхона, ташкилот, муассасаларнинг раҳбарлари томонидан анча вақтдан бери бажарилмай келинаётган кўрсатмаларнинг маълум миқдори бажарилганига эришилди.

Ойлик ўтказиш даврида ёнгин хавфсизлигини таъминлашга мутасадди бўлган, ёнгин хавфсизлиги қоидаларини бузган 566 нафар кишига масъулиятсизликлари учун жарима солинди, ёнгин чиқиш хавфи бўлган 260 корхона, цех биноларининг иш фаолияти вақтинчалик тўхтатилди, 1326 носоз газ асбоблари, электр симлари тармоқлари, иситиш асбобларидан фойдаланиш тақиқланди.

Корхона, ташкилот, муассаса ва аҳоли турар жойларида ёнгин хавфсизлигини таъминлаш борасида олиб борилаётган ишлар давом эттирилмоқда. Зеро, ёнгинни олдини олиш биз ёнгин назорати ходимлари, ўт ўчирувчи побонларнинг энг масъулиятли бурчимиздир.

Миришлом ИНОЯТОВ,  
Тошкент вилояти ИИБ ЁСБ бошлиғи, ички хизмат полковниги.



## БУРЧ ВА МАСЪУЛИЯТ ҲИССИ

лоят газ ва электр хўжалиги ходимлари, корхона-ташкилотлардаги кўнгилли ўт ўчириш дружиналари жалб этилди. Қиш мавсумида ёнгинларга йўл қўймаслик, уларда инсонларнинг жароҳат олиб, ҳалок бўлиш ҳолларининг олдини олиш мақсадида бир қатор ташкилий ва амалий ишлар бажарилди. 1807 та халқ хўжалик корхоналарининг ёнгинга қарши ҳолати текширилди, 23.621 та аҳоли турар жойлари қайта назоратдан ўтказилди.

Ёнгиндан сақлаш бошқармаси ходимлари ва жойлардаги ёнгин назорати бўлимлари ходимлари томонидан вилоятнинг барча шаҳар ва туманларида учрашувлар ташкил этилиб, аҳоли гавжум жойларда, ишлаб чиқариш корхоналарида, меҳнат жамоаларида ёнгин хавфсизлиги қоидаларига тўлиқ риоя қилиш ва оловдан эҳтиёткорлик билан фойдаланиш борасида кенг тушунтириш ишлари олиб борил-

қуроллар ёрдамида энг аввало эҳтиёткор бўлишга, оловдан тўғри ва самарали фойдаланишга жалб этилди. Оловдан керагидан ортиқ фойдаланиш, ёнгики олов билан ўйнашиш оқибаотида содир бўлаётган ёнгин офатлари тасвирга туширилган видеоларлар намойиш этилди.

Ана шундай учрашувлар Оҳангарон туманидаги “Айлин” қандолат маҳсулотлари ишлаб чиқариш қўшма корхонасида, “Оҳангарондон” ҳиссадорлик жамиятида, Янгийўл шаҳридаги 4 мактабда, “Лаззат” ишлаб чиқариш бирлашмаси, Олмалик тоғ-металлургия комбинати ва бошқа жойларда бўлиб ўтди. Олиб борилган ишлар ўз самарасини бериб, қатор халқ хўжалик корхоналари ва объектларининг ёнгинга қарши ҳолати яхшиланди ва ёнгин хавфсизлигини мустаҳкамлаш учун кўшимча маблағлар ажратилди.

Ёнгин хавфсизлиги ойлиги даврида вилоятда, аҳоли турар жойларида

кўчаси 6-уйда яшовчи И. Нуриддинов носоз бензинда ишлайдиган пайвондлаш ускунасида фойдаланиш вақтида алангадан юзи, бўйни, қўраги ва икки қўли куйиб, касалхонага ётқизилган.

\* Учкўприк тумани Оксув жамоа хўжалиғи Қурбон Қашқар қишлоғида яшовчи М. Юсуповнинг уйида сандал чўғидан ёнгин чиққан. Ёнгин натижасида унинг томи ёнган. М. Юсуповнинг иккала оёғи сандалдаги чўғдан куйиб, касалхонада вафот этган.

\* Файзулла Хўжаев тумани “Соҳибкор” жамоа хўжалиғида яшовчи Ў. Оstonовнинг уйида газ жўмрағи носозлиги сабабли тўлганиб қолган газ

ва ҳаво аралашмасининг қисқа алангаланиши содир бўлган. Натижада уй эгаси Ў. Оstonовнинг қўли ва юзи ҳамда меҳмонга келган Ж. Мўрдовнинг юзи ва қўли куйиб, касалхонага ётқизилган.

\* Мирзо Улўбек тумани ТТЗ-Т доҳаси 6-уй 5-хонада яшовчи Н. Громованинг хонадонида “Горизонт” рангли телевизор портлаган. Натижада уй эгаси Н. Громованинг боши, юзи ва ўнг қўли ҳамда меҳмонга келган А. Катариненканинг елкаси ва чап қўли куйиб, касалхонага ётқизилган.

Д. ВАЛИЕВ,  
ички хизмат катта лейтенанти.









JUMA

28

ЎзТВ I

6.30 "Ассалом, Ўзбекистон!"
8.00-8.30 "Ахборот".
8.30 Марказий газеталар шарҳи.

"Умид" намоиш этади:
12.40 "Янгиликлар".
13.00 "Орзулар қанотида".
13.15 "Шахзода ва канизак".

ЎзТВ II
9.00 "Янги авлод" студияси намоиш этади: ("Қоинот сирлари", "Самовий саргузашт").

ЎзТВ III
7.50 "Соғлом бўлай десангиз".
8.00 Телегазета "Экспресс".

SHANBA

29

ЎзТВ I

6.30 "Ассалом, Ўзбекистон!".
8.00-8.30 "Ахборот".
8.30 Марказий газеталар шарҳи.

"Умид" намоиш этади:
9.35 "Шу Ватанга бордур менинг керагим".
9.55 "Соғлом авлод учун".

ЎзТВ II
8.55 Курсатувлар дастури.
9.00 "Янги авлод" студияси намоиш этади: ("Оқ кабутар", мульттомоша).

ЎзТВ III
7.50 "Соғлом бўлай десангиз".
8.00 Телегазета "Экспресс".

ЎзТВ IV

РЖТ 7.30-9.00

15.00-16.10 ТУРКИЯ ТЕЛЕВИДИНИЕСИ

16.10 Курсатувлар тартиби.
16.15 "СНН. Жаҳон янгиликлари".
16.45 "Мультчархпалак".

30-КАНАЛ

9.05 "Муסיқий тонг". Муסיқий-дам олиш дастури.

РДТ
6.30 "Хайрли тонг, Россия!".
7.00, 8.00, 9.00, 13.00, 17.00, 19.00, 21.00, 01.00 — "Вести".

РЖТ

7.55, 10.00, 15.00, 18.00 — Янгиликлар.
8.10 "Рухоний сўзи", Митрополит Кирилл.

ЎзТВ IV

9.00 Курсатувлар тартиби.
9.05 "Болалар олами".
9.30 "Қоинот сирлари".

30-КАНАЛ

9.05 "Муסיқий тонг". Муסיқий-дам олиш дастури.

РДТ

8.00 Мультифильмлар.
8.30 "Отам, онам, мен — спортчилар оиласи".

РЖТ

6.00 "Хайрли тонг!".
9.00, 12.00, 15.00, 18.00, 02.00 — Янгиликлар.

10.15 "Каламбур". Ҳажвий журнал.
10.45 "Жараён".
11.30 "Синдбоднинг янги саргузаштлари".

РДТ

6.30 "Хайрли тонг, Россия!".
7.00, 8.00, 9.00, 13.00, 17.00, 19.00, 21.00, 01.00 — "Вести".

НТВ

8.00, 8.30, 8.45, 9.00, 9.30, 9.45, 10.00, 10.30 — "Бугун эрталаб".
10.45, 19.40 — "Қўзлик кино".

дос учбурчаги" (Буюк Британия).
20.25 "Шахарча".
21.40 Алек Болдуин "Само асирлар" криминал драмасида.

ТВ-6

8.50, 15.05 — "Қундан-қунга".
10.45, 20.00, 00.45, 03.55 — "Йўл назорати".

АСТ

8.00, 14.00 Мультифильмлар.
8.30, 11.30, 14.30, 17.30, 20.30, 23.30, 2.30, 5.30 "Факт" ахборот дастури.

РЕН TV

9.00, 9.30, 18.30, 19.00 Мультифильмлар.
11.00, 15.30 Теледўкон.

23.35 "Касби — репортёр".
00.45 "Криминал Россия". Ҳужжатли сериал.

ТВ-6

8.50, 15.05 — "Қундан-қунга".
10.45, 20.00, 00.45, 03.55 — "Йўл назорати".

АСТ

8.00, 14.00 Мультифильмлар.
8.30, 11.30, 14.30, 17.30, 20.30, 23.30, 2.30, 5.30 "Факт" ахборот дастури.

РЕН TV

9.00, 9.30, 18.30, 19.00 Мультифильмлар.
11.00, 15.30 Теледўкон.

22.00 Тасодифий гувоҳ.
23.30 "Еш маҳбус қиз" криминал драмаси.

ТВ МАРКАЗ

8.00, 10.15 "Кайфият". Тонгги телеканал.

ТНТ

9.00 "Қара, улар қандай ўсишпаяти" сериали.

ТВ МАРКАЗ

10.00 Болалар телеканал.

ТНТ

10.00 "Қара, улар қандай ўсишпаяти" сериали.

ТВ МАРКАЗ

10.00 Болалар телеканал.

ТНТ

10.00 "Қара, улар қандай ўсишпаяти" сериали.

ТВ МАРКАЗ

10.00 Болалар телеканал.

ТНТ

10.00 "Қара, улар қандай ўсишпаяти" сериали.

ТВ МАРКАЗ

10.00 Болалар телеканал.







## ТУЗОҚ

Биринчи палатадаги қаравотда шифтга қараб ётган киши худди қуриган дарахт шоҳига ўхшаш қўлини ҳамширага чўзиб, бўғиқ овозда ёлворади:

— Дўхтир, жон дўхтир-жон! Раҳмингиз келсин! Морфийдан беринг! Бўлмаса, нақ ўламан! Тезроқ, бутун вужудим қақшаб кетяпти! Эй, худнинг газаби экансизларку!

У гўё шиша синиқлари устидан ётгандек, гоҳ у, гоҳ бу ёнбошига ўзини кўтариб ташлайди. Ҳамшира

ли-туман нарсаларни кўшишса керак.

— Тайини йўқ аралашмани томирингизга юборишга қўрқмаганмисиз?

— Йўқ. Бошқа иложи бўлмагандан кейин...

— Ҳозир ўзингизни қандай ҳис қиляпсиз?

— Ёмон, суякларим қақшаб оғрияпти.

— Даволаниб чиққач,

Сухбатдошимиз бада-нида оғриқ сезгандек тўсатдан сесканди. Асабийлашганидан қўллари билан сийраклашиб, ёшига номуносиб оқаринқираган сочини силади. Шокирнинг қўлларига қараб бўлмасди! Укол қилавериб қон томирлар бўртиб, қизариб, чандиққа айланган. Бу билиб-

шприцга тўлдирди. Кейин қон томирига юбориш учун энгини тирсагига чашимарди.

Чап қўлида шприцни ушлаганча бир дақиқа игна санчилаверганидан ўқловдек бўртиб чиққан томирларига тикилиб қолди. Балки ҳозир у яхши қайнатилмаган шприц ва

## Гиёҳвандлик — иллат

деди Фафурнинг елкасига қоқиб. У шприцга суюқликни тўлғазиб, ўзига ўзи укол қилди... Улар энди меҳмонларни ҳам унутиб, полда оёқларини узатганча кайф қилиб ўтиришмоқчи эди, бирдан эшик кўнғироғи жиринглаб қолди.

— Яна ким бўлдикин? — деди Фафур гижиниб. — Балки Шаҳзод келгандир? Унинг маъна шунақа кеч юрадиган одати бор:

У гандираклар бориб эшикни очди. Очди-ю, ранги оҳаддек оқариб, қорачи қотиб қолди. Қаршисида бир гуруҳ милиционерлар туришарди.

Фафурнинг хонадонини

сақлаш, сотиш ва уни истеъмол қилиш қонун йўли билан тақиқланишини яхши билишарди. Гиёҳвандлик соғлиққа, ҳаётларига жиддий таъсир қилишидан ҳам бохабар эди улар.

— Гапнинг пўсткаллеси гиёҳвандлик турган-битгани зарарлигини яхши биламан, — деди Фафур бошини эгиб. — 1987 йили отам тўсатдан вафот этди. Шундан кейин у тез-тез тушимга кирадиган бўлиб қолди. Баъзан уйкум бузилиб, хонада юриб чиқади-ган бўлдим. Бир танишим очди. Очди-ю, кўкнори ичсам, яхши ухлашимни айтди. Шундан сўнг чойга кўкнори солиб ичиб юрдим. Кейинроқ бу одатга айланди.

— Ҳозир ҳеч қаерда иш-ламас экансиз. Бир кило кўкнорининг нархи палон сўм. Сиз шунча пулни қаердан оласиз?

# “ЖИЗИЛ ТУЛ”НИНГ

# ҚОРА ИШИ

Тиббиётда нашавандлик “руҳий хасталик” деб юритилади. Бу хасталикка чалинганларнинг кайфияти тез ўзгарувчан, хотираси ва иш қобилияти паст бўлади. Сал нарсдан ҳадиксирайди, телбага айланади.

унинг талабини қондирма-гач, тиришиб ажин тушган юзини асабий юлқий бошлади.

— Уч кундан бери шу аҳвол, — деди даволовчи шифокор Ҳолида Аҳро-ровна. — Тиббиётда наша-вандлик “руҳий хасталик” деб юритилади. Бу хасталикка чалинганларнинг кайфияти тез ўзгарувчан, хотираси ва иш қобилияти паст бўлади. Сал нарсдан ҳадиксирайди, телбага айланади. Умуман, гиёҳ-вандлик моддаларининг ҳаммаси юрак-томир тизимини, ошқозон-ичак йўллари эмиради, ай-ниқса, асаб системасига ва бош миёга қаттиқ таъсир қилиб, уларни ишдан чиқаради.

Гиёҳвандлар бу даргоҳда бор-йўғи икки ой даво-ланишади. Кейин маҳсус назорат остида бўладилар. Аммо ашаддийлари беда-водир. Ҳатто бир грамм морфий учун жонларига қасд қилишдан тойишмай-ди.

Палаталарни айланиб юриб, Пўлат исмли йигит билан суҳбатлашдик. У бу ерга келунга қадар такси ҳайдовчиси бўлиб ишлаган

нима қилмоқчисиз?

— Гиёҳвандлик туфайли соғлиғимдан, оиламдан айрилдим. Дўстларимни, севган касбимни йўқотдим. Даволаниб чиқсам, бу лаънати заққумни бошқа оғзимга олмайман. Бу қатъий сўзим! Мени ҳаётга қайтараётган шифокорларга раҳмат!

...Хонага 27-30 ёшлардаги бўйдор бир йигитни бошлаб киришди. Унинг шифохонага иккинчи бор келиши. Шокир мактабда аъло баҳоларга ўқир, ай-ниқса, химия, математика, физика фанларини севарди. У келажакда олим бўлишни орзу қилиб юрарди. Бироқ... янги дўстлар орттирдим, деб ўйлади-ю, аллақандай тўдага илаки-шиб қолганини ўзи ҳам сезмай қолди. Шу-шу Шокирнинг гиёҳвандликка “ишқи” тушиб қолди.

— “Ханки” (улар қорадорини шундай аташарди)ни қабул қилгач, ўзимни энгил ҳис этардим, — дейди у. — Ҳамма билан чақчақлашгим, қувончимни бошқаларга ҳам “юқтиргим” келаверарди.

“Гиёҳвандлик туфайли соғлиғимдан, оиламдан айрилдим. Дўстларимни, севган касбимни йўқотдим...”

экан. Гиёҳвандликка тасо-дифан танишган аёлдан ўрганибди.

— Пўлат, қачондан бери гиёҳвандлик моддаси қабул қиласиз? — сўрадик ундан.

— Чамаси икки йилча бўлди.

— Сир бўлмаса айтингчи, қорадорини қаердан олардингиз?

— “Қўл”дан.

— Ўша сиз харид қилиб олган шу модда тозаланган бўлармиди?

— Йўқ, чамаси сотувчилар вазнига вазн қўшиш учун унинг таркибига тур-

Уни тополмаган пайтимда эса, ота-онам ҳам, оилам ҳам, ишим ҳам кўзимга кўринмай, дунё тор бўлиб кетарди. Менга ҳамма нарса барибир эди. Ўғрилиқ қилибми, бировдан қарз олибми ёки қимор ўйнабми, қандай бўлмасин, зарур пулни топардим-да, дорини ундирардим. Уни зудлик билан қон томирига юборгач, жоним ором оларди. Милиция қўлига тушишдан кўра, қорадорини топа олмай қолиш даҳшатли эди. Унинг азобига чидаб бўлмайди...

билмай саробга интилишнинг оқибати эмасмикан?!

Бош ҳақимнинг хонасида ўтирганимизда уни шо-шилинч равишда опера-ция хонасига чақириб қолишди: биринчи палатадаги “бемор” алюмин қошиқда қон томирини қирқибди...

## КАФОЛАТ ҚАНИ?

Оля эри уйга кириб келишидан унинг авзойи бу-зуклигини пайқади. Кўшни хонага чаққон ўтиб, эшикни ичкаридан маҳкамлади. Бурчакда унинг ҳаракатларини кузатиб турган фарзандларини бағрига босиб, юм-юм йиғлади.

Фафур хотинининг бу каби “томоша”ларига кўниқиб кетган. Уни ҳозир бошқа нарса кўпроқ қизиқтирарди: қандай бўлмасин тезроқ “химия” тайёрлаб, хуморини босиб олса бас. Ахир бутун бада-ни қақшаб кетяпти-да! У газлитлада кўкнори толқонини қайната бошлаши билан бутун уй ичи киши-ни қараётган қилувчи аллақандай исга тўлди. Фафур “химия” тайёрлашни ко-лоннада ўрганиб келган эди. Кимдан, қайси вақт-да ҳозир эслолмайди... қамоқхонадан қайтгач, аввалига кўкнорини эзиб ичиб юрди. Кейинроқ уни бу қониқтирмай қўйди. Қорадори суюқлигини қон томирига юборишни одат қилиб олди. Шундай қил-са, яхши ухлармиш...

Бугун ҳам хумори тутиб суюқликни тайёрлаб,

игна оқибатида қўллари-нинг яллиғланиб қолганини ўйлаётгандир? Балки... оғриқ сезиш ҳисса мутлақо йўқлигига ҳайрон бўлаёт-гандир шу дамда... Балки...

Кутилмаганда эшик кўнғироғи чалиниб, бутун вужудини титроқ босди. “Ким бўлди экан?” Қўрқув уни минг хаёлга бошлади. Шоша-пиша шприц билан игнани, суюқликни кўздан нарига беркитиб, бориб эшикни очди. Осто-нада қадрдон игнадош дўстлари — Солиҳ, Ринат, Қобул ва Наташа илжайиб туришарди.

— Сенлармидинг? — деди Фафур юзига қон югуриб. — Сал бўлмаса ўта-кам ёрилай деди-я! Нега остонада қоқилган қошиқ-дай қаққайиб қолдинглар?

Меҳмонлар залга киришди. Пича у-бу ҳақда гаплашган бўлишди. Фа-фурнинг суяклари қақшаб

“Отам тўсатдан вафот этди. Шундан кейин у тез-тез тушимга кирадиган бўлиб қолди. Баъзан уйкум бузилиб, хонада юриб чиқади-ган бўлдим. Бир танишим кўкнори ичсам, яхши ухлашимни айтди. Шундан сўнг чойга кўкнори солиб ичиб юрдим. Кейинроқ бу одатга айланди...”

қўймасди. У чой қўйиш баҳонасида ошхонага ўтди. Тахт қилиб қўйган шприцни олиб, билагига қорадори юборди. Бирпасда “бео-зор” суюқлик баданидаги оғриқни тарқатиб юборди, ҳузурланиб ширакайф бўлиб қолди. Чехраси ҳам очилди. Солиҳ стол усти-даги қорадорини кўриб суюниб кетди.

— Зап дўстимсан-да! —

Бош ҳақимнинг хонасида ўтирганимизда уни шошилинч равишда операция хонасига чақириб қолишди: биринчи палатадаги “бемор” алюмин қошиқда қон томирини қирқибди...



Кўкноризорларни аниқлашда вертолётлар жуда қўл келаёттир.

— Ёзда Бектемирдан икки қоп кўкнор териб келгандим. Шуларни эп-лаштириб юрибман...

— Ташлашга ҳаракат қилмадингизми?

— Уриниб кўрдим. Бироқ ўрганган одамни бу йўлдан қайтариш асов туяни чўқтиришдан ҳам қийин экан. Хотиним онаси-никига кетиб қолса, орқасидан бориб, “бўлди, энди ташлайман”, деб уни олиб келаман-у, беш-ўн кундан кейин иродасизлигим туфайлими яна қўлимга шприцни оламан... Бўлмаса, ҳаёт кўзимга қоронғу кўришиб кетади.


Фафур ва унинг игна-дошлари бутун иродасиз-лиги, йўқ, хасталиги ту-файли қора курсига ўти-ришди. Бироқ бу кўргилик уларни хасталикдан фориг этади, деб ким кафолат беради?

Мурод ТИЛЛАЕВ.  
(Давоми бор).





# ЧАЙНКРОССВОРД



1. Улуғ зот. (2). 2. Абдулла Қаҳҳор ҳикояси. (3). 3. Замонавий эстрада мусиқаси. (2). 4. Фасл. (2). 5. Меваси таомга лаззат берувчи, тоғ бута ўсимлиги. (2). 6. Теннис ўйини майдончаси. (3). 7. Футбол ўйини қисми. (3). 8. Таъми ачиқ зиравор. (4). 9. Асбобларнинг тигини ўткирловчи мослама. (4). 10. Чўлпоннинг оташин шеъри. (1). 11. Бинокорлик ашёси. (1). 12. Дуккакли экин. (3). 13. Бўйинга ўраладиган мато. (1). 14. Ҳарбий-денгиз кемаларининг катта қўшилмаси. (1). 15. Балиқ овлаш анжومي. (2). 16. Кумушсимон қаттиқ металл. (3). 17. Океан. (2). 18. Даволаниш ашёси мажмуи. (1). 19. Электр заряди бўлган атом. (1). 20. Араб алифбосидаги ҳарф. (1). 21. Бир давлатнинг ўзга давлатга ёзган расмий мурожаатномаси. (2). 22. Миллат. (4). 23. Молия муассасаси. (2). 24. Кўтарувчи қурилма. (3). 25. Қимматли, камёб нарса. (4). 26. Шимол ҳайвони. (1). 27. Ҳаёт, турмуш. (2). 28. Миллат. (3). 29. Шифобахш баргли жануб ўсимлиги. (3). 30. Пишлоқсимон, сўтли таом. (3). 31. Қуш. (2). 32. Парранда. (2). 33. Ер ости қатламларини текширишда қўлланиладиган металл бурғи. (2). 34. Спорт

анжومي. (4). 35. Улкан сув жонивори. (3). 36. Миллий либос. (3). 37. Ҳиндистоннинг атоқли давлат ва сиёсат арбоби, миллий озодлик ҳаракати раҳбари. (2). 38. Маълум бир нарса ни амалга ошириш тарзи. (2). 39. Қимматбаҳо тош. (2). 40. Автомобил русуми. (2). 41. Ҳиндистондаги шаҳар. (2). 42. Голландиянинг таниқли футбол командаси. (2). 43. Ҳуқуқ-тартибот идораси. (2). 44. Чархнинг ип ўраладиган қисми. (3). 45. Радиоактивлик ҳодисаларини ўрганган буюк француз физик ва кимёгар олими. (2). 46. Қадимги юнон афсонасига номдош кичик сайёра. (3). 47. Бир гуруҳ фаоллар томонидан тўсатдан ўтказиладиган текшириш. (1). 48. Олам, борлик. (1). 49. Фасл. (1). 50. Африкадаги давлат. (3). 51. Оврўпадаги пойтахт шаҳар. (3). 52. Қишлоқ ҳўжалиги қуроли. (3). 53. Мусиқа ижросидаги энг юқори парда. (1). 54. Дўппининг четига тикилган тасма. (2). 55. Боши кокилли йирик, жануб паррандаси. (2). 56. Одат, аънана. (3). 57. Бойлик мажмуи. (3). 58. Пардоз ашёси. (2). 59. Денгиз жонивори. (1). 60. Мақолдан "...?..." дўстинг бошқа, мол дўстинг бошқа". (2). 61. Сув оқиши учун мўлжалланган сунъий ўзан. (3). 62. Қон томирига номдош пойтахт. (4). 63. Қаср. (1). 64. Оммалашган санъат соҳаси. (2).

## МУАММОНОМА

Қуйидаги рақамлар чайнкроссворд жавоблари тартибини англатади. Уларни сўзлар таърифидан сўнг қавс ичидаги тартибда берилган рақамдаги ҳарф билан алмаштириб муаммонани ҳал этинг.

- 42, 10, 12, 5, 9, 4, 52, 11, 57, 54, 22, 15, 57, 41, 64, 52, 16, 23, 27, 18, 24, 28, 2, 14, 34, 15, 1, 41, 19, 57, 3, 48, 39, 51, 52, 40, 6, 41, 46, 18, 21, 30, 59, 50, 20, 38, 31, 14, 57, 64, 25, 15, 52, 41, 5, 52, 26, 43, 59, 37, 16, 36, 62, 35, 9, 60, 1, 53, 18, 63, 42, 9, 13, 17, 45, 49, 27, 32, 36, 56, 8, 47, 23, 7, 18, 64, 42, 10, 12, 5, 52, 17, 44, 11, 64, 57, 24, 61, 37, 58, 16, 55, 51, 33, 29.

Улардан аён бўладиган ҳикматли мисралар форс-тожик мумтоз мутафаккир шоири Абдурахмон Жомий қаламига мансуб.

Фозилжон ОРИПОВ тузди.

## ГАЗЕТАМИЗНИНГ ЎТган Сонида ЧОП ЭТИЛГАН КРИПТОГРАММАНИНГ ЖАВОБЛАРИ:

"Оқич" сўзлар: I. Қўшин. II. Марш. III. Найза. IV. Тўмарис. V. Қўёш. VI. Югуриш. VII. Эл. VIII. Қилич. XI. Хушёр.

## КРИПТОГРАММАДАГИ ҲИҚМАТЛАР:

- Хушёрлигинг — тинчлигинг.
- Юрт кўри, элинг ўсар, Қўримасанг, уйинг тўзар.

### ҲўЖАЛИҚ МОЛЛАРИ

#### АЛЬЮМИН ИДИШЛАР

(ҚОЗОН, КАСТРИУЛКА, БИДОН, КРУЖКА, ТОВОҚЛАР)

#### МАИШИЙ КИМЁ

(ТОЗАЛАШ, ЮВИШ ВОСИТАЛАРИ, ОҚАРТИРУВЧИЛАР, ҲАВОНИ ХУШБўЙЛАШТИРУВЧИ ВА БОШҚАЛАР)

#### ТОЗАЛАШ АШЁЛАРИ

(ШВАБРА, ЛАТТА, ГУБКА, ЧўТКА ВА БОШҚАЛАР)

Пул ўтказиш йўли билан. **Тел.: 55-34-06, 55-82-90**

## KELGUSI HAFTA UCHUN MUNAJJIMLAR BASHORATI

**ҚўЙ (21 март — 20 апрель).** Сешанба кўни янгиликлардан бохабар бўласиз, чоршанба кўни молиявий ютуқлар кўт-япти. Пайшанба кўни ижодий ютуққа эришасиз, бунинг учун ўз кучингизга ишонинг. Ҳафта охирида ишбилармонлик учрашуви бўлади.

**СИГИР (21 апрель — 21 май).** Ҳафта бошида саломатлигингиз безовта қилиши мумкин. Чоршанба кўни молиявий даромад кайфиятингизни кўтариб юборади. Пайшанба кўни алданиб қолишдан эҳтиёт бўлинг. Шанба кўни омадли харидлар қиласиз.

**ЭГИЗАКЛАР (22 май — 21 июнь).** Душанба кўни ажойиб учрашув кутмоқда. Кўндан бери режалаштирган ишингизни ойдинлаштиришга қарор қилган бўлсангиз айнан шу ҳафтанинг пайшанба ва жума кўнлари киришинг. Дам олиш кўнлари киб-борли ҳаёт кўп вақт эсингизда қолади.

**ҚИСКИЧБАҚА (22 июнь — 23 июль).** Ҳафта бошида кўлингиз ишга бормайди. Пайшанба ва жума кўнлари оқилона иш тўтинг ва бошлиқлар билан боғла-нишга ҳаракат қилманг. Шанба кўни қиз-гин ижодий фаоллигингиз намоён бўлади.

**АРСЛОН (24 июль — 23 август).** Сешанба кўни молиявий аҳволингизни яхши-лаб олишга имкон тўғилади. Чоршанба кўни ишбилармонлик таваккалчилиги ўз ме-васини беради. Жума кўни яқин кишингиз диққатингизни жалб этиши мумкин. Дам олиш кўнлари саёхатга чиқасиз.

**БОШОҚ (24 август — 23 сентябрь).** Бу ҳафтада кўпроқ асабийлашишингизга ва шахсий саломатлигингиз учун астойдил шуғулланишингизга тўғри келади. Бу дав-рда ҳар қандай фаол ҳаракатлар қилмас-лигингиз маъқул. Фақат яқшанба омадли кўн бўлади.

**ТАРОЗИ (24 сентябрь — 23 октябрь).** Душанба — фаол дўстона муносабат ва ишби-лармонлик музокаралар кўни бўлади. Сешан-ба кўни узокдан яхши хабар эшитасиз. Моддий муаммоларни ҳал этишда жума кўлай кўн бўла-ди. Яқшанба кўни шубҳали тўюлган тadbирлар-дан воз кечганингиз яхши.

**ЧАЁН (24 октябрь — 22 ноябрь).** Сешанба кўни ижодий фантазияларга бойлиги билан эсда қолади. Сизнинг фаҳм-фаросатингиз пайшанба кўни қалтис ҳолатдан чиқиб олишинг-изга ёрдам беради. Жума кўни эски танишин-гиздан хабар келади. Дам олиш кўнлари шовқ-ин — суронли ва кувноқ ўтади.

**ЁЙ (23 ноябрь — 21 декабрь).** Ҳафта бошида яқин кишингиз ҳақидаги янгилик сизни рўҳлантиради. Чоршанба ва пайшанба кўнла-ри пул ишлаб олишингиз янги имкониятлари пайдо бўлади, бунинг бой бермасликка ҳаракат қилинг. Дам олиш кўнлари ажойиб ўтади ва кўп вақт хотирадан ўчмайди.

**ТОҒ ЭЧКИСИ (22 декабрь — 20 январь).** Сешанба кўни умидсизлик синовидан ўтасиз. Пайшанбада умидингиз узилган молиявий ютуқ қайтади. Жума ишбилармонлик музокаралари-ни ўтказишда омадли кўн бўлади. Шанба кўнга оқшомни яхши кишилар билан ўтказиш муваф-фақият келтиради.

**ҚОВФА (21 январь — 19 февраль).** Душанба кўни ишда рўй берадиган келишмовчи-лик кайфиятингизни бузиши мумкин. Ўзингизнинг раҳбарлик сифатингизни намоён этиш ва жа-моани касб вазифаларини бажаришга бирлаш-тиришга пайшанба ва жума кўнлари эришасиз.

**БАЛИҚ (20 февраль — 20 март).** Ҳафта камдан кам бўладиган қизиқарсиз ва маъносиз ўтади. Ягона жиддий воқеа, сизни ҳаяжонга со-лаётган муаммони ҳал этишга тездан рўхсат бе-рилишидир. Ҳафта охирида саломатлигингиз учун алоҳида эътибор берсангиз фойдадан холи бўлмайди.

Ўзбекистон Республикаси ИИБ Республика санитария-эпидемиология хизмати ходимлари Ўзбекистон Республикаси Мудофаа вазирлиги марказий санитария-эпидемиология лабораторияси бошлиғи

**Аҳмаджон Абдурахмоновнинг ФОЗИЛОВНИНГ** бевақт вафот этганлиги муносабати билан марҳумнинг оила аъзолари ва яқинларига чуқур ҳамдардлик билдирадилар.

Ўзбекистон Республикаси ИИБ ШТБИХ раҳбарияти ва шахсий таркиби Чилонзор тумани ИИБ бошлиғи, милиция полковниги Тоҳир Бойматовга отаси

**Нишон ота БОЙМАТОВНИНГ** вафот этганлиги муносабати билан чуқур ҳамдардлик билдирадилар.

Ўзбекистон Республикаси ИИБ ЁСБ раҳбарияти ва шахсий таркиби Бухоро вилояти ИИБ ЁСБ бошлиғи муовини, ички хизмат полковниги Р. Асадовга отаси

**Рашид АСАДОВНИНГ** вафот этганлиги муносабати билан чуқур ҳамдардлик билдирадилар.

Юнусобод тумани ИИБ раҳбарияти ва шахсий таркиби профилактика инспектори милиция катта лейтенанти

**Аббор МУХТОРОВНИНГ** фожиали вафот этганлиги муносабати билан марҳумнинг оила аъзолари ва яқинларига чуқур ҳамдардлик билдирадилар.

Самарқанд вилояти ИИБ раҳбарияти, шахсий таркиби ва фахрийларни ижтимоий қўллаб-қувватлаш жамоатчилик маркази иккинчи жаҳон уруши иштирокчиси, истеъфодаги милиция майори

**Ҳожи ЮСУПОВНИНГ** вафот этганлиги муносабати билан чуқур ҳамдардлик билдирадилар.

Самарқанд шаҳар ИИБ раҳбарияти ва шахсий таркиби бошқарма ППХ милиционери, милиция сержанти Ж. Садриддинзодага онаси

**Муҳаббат СУЛТОНОВНИНГ** вафот этганлиги муносабати билан чуқур ҳамдардлик билдирадилар.

Булунгур тумани ИИБ раҳбарияти ва шахсий таркиби бўлим милиционери, милиция катта сержанти У. Бердиевга онаси

**САЛОМАТ АЯНИНГ** вафот этганлиги муносабати билан чуқур ҳамдардлик билдирадилар.

Самарқанд шаҳар ИИБ раҳбарияти ва шахсий таркиби бошқарма инспекциясининг бошлиғи милиция подполковниги А. Сайфуловга онаси

**Фаина САЙФУЛОВНИНГ** вафот этганлиги муносабати билан чуқур ҳамдардлик билдирадилар.

Ургў тумани ИИБ раҳбарияти ва шахсий таркиби участка вакили, милиция катта лейтенанти Н. Салаевага отаси

**Кўчим САЛАЕВНИНГ** вафот этганлиги муносабати билан чуқур ҳамдардлик билдирадилар.

**ЎЗБЕКИСТОН**  
**RESPUBLIKASI IIV**  
**BIRLASHGAN**  
**TAHRIRIYATI**

**MANZILIMIZ:**  
**700029,**  
**Toshkent,**  
**Yunus Rajabiy**  
**ko'chasi, 1**

**Gazeta haftaning juma kunlari chiqadi.**

**Bosh muharrir**  
**Zokir ATAYEV**

**Muharrir**  
**Erkin SATTOROV**  
(Bosh muharrir o'rinbosari v.b.)

Navbatchi:  
**S. SHAMSIDDINOV**  
Musahhihlar:  
**M. AKRAMOVA**  
**G. XOLIQOVA**  
Sahifalovchi va dizayner:  
**A. MIRZAMUHAMEDOV**

**TELEFONLAR:**  
Bosh muharrir o'rinbosari — ..... 139-77-23.  
muxbirlar bo'limi ..... 139-75-69.  
Faks ..... 54-37-91.

Gazeta tarqatish masalalari bo'yicha murojaat uchun faks: ..... 54-37-91, peyjer: .... (088) 36-97, 55-19.

**Reklama bo'limi**  
peyjer ..... (088) 55-54

Bizning hisob raqamimiz O'zbekiston Respublikasi Markaziy banki Toshkent shahar Bosh boshqarmasi hisob-kitob — kassa markazida: 21506000200447980001, MFO 00014.

- Ko'chirib bosishda «Postda»dan ekanligini ko'rsatish shart
- Maqolada keltirilgan raqamlar, faktlar va boshqa ma'lumotlar, shuningdek, ochiq e'lon qilinishi mumkin bo'lmagan ma'lumotlar uchun muallif javobgar hisoblanadi.
- Muallifning mulohazasi tahririyat fikriga mos tushmasligi mumkin.
- Qo'lyozmalar tahlil qilinmaydi va qaytarilmaydi.

**Gazeta IBM kompyuterida terildi va sahifalandi.**

Ro'yxatdan o'tish tartibi № 00007.  
Buyurtma Г — 023.  
Hajmi — 4 bosma taboq.  
Bosilish — ofset usulida.

Bosishga topshirish vaqti — ..... 19.00.  
Bosishga topshirildi — ..... 18.00.

Obuna raqami — 180

**118 292** nuxxada chop etildi.

**«SHARQ»** nashriyot-matbaa konserni bosmaxonasi.  
Korxonaning manzili: Buyuk Turon ko'chasi 41-uy.

1, 2, 3, 4, 5, 6.